

**ხელშეკრულება №260**  
**სახელმწიფო შესყიდვის შესახებ**

ქ. ბათუმი

26 ივლისი 2019 წელი

ერთი მხრივ, სსიპ „ბათუმის თოჯინებისა და მოზარდ მაყურებელთა პროფესიული სახელმწიფო თეატრი“, შემდგომში – „შემსყიდველი“, წარმოდგენილი მისი დირექტორის თემურ მახარაძის სახით და მეორე მხრივ, შპს „ავრსი - ფარმა“ შემდგომში „მიმწოდებელი“, წარმოდგენილი მისი კომერციული დირექტორის ეკატერინე მიქელაძის სახით (მინდობილობის სარეგისტრაციო #181571202, ინდივიდუალური #21179902508918), „სახელმწიფო შესყიდვების შესახებ“ საქართველოს კანონის მე-10<sup>1</sup> მუხლის მე-3 პუნქტის „დ“ ქვეპუნქტისა და „სახელმწიფო თეატრების მიერ სახელმწიფო შესყიდვების გამარტივებული შესყიდვის საშუალებით განხორციელების შესახებ“ საქართველოს მთავრობის 2012 წლის 24 იანვარის № 99 განკარგულების საფუძველზე, გამარტივებული შესყიდვის საშუალებით ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

**1. ხელშეკრულების საგანი**

**1.1** ხელშეკრულების საგანს წარმოადგენს საპრემიერო სპექტაკლ - „ვეშაპიკო“-ს შეზღუდულ ვადებში შეუფერხებლად ჩატარების მიზნით სხვადასხვა საქონლის (CPV –79952100) შესყიდვა (შემდგომში - „შესყიდვის ობიექტი“) ქვემოთ მოცემული ცხრილის შესაბამისად;

N	საქონლის დასახელება	განზომილების ერთეული	რაოდენობა	ერთეულის ფასი (ლარი)	ერთეულის ფასი (ლარი)
1	ოყნა A-1	ცალი	2	0,89	1,78
2	ოყნა A-15	ცალი	2	2,12	4,24
3	ოყნა A-6	ცალი	2	1,53	3,06
4	სისტემა ხსნარების გადასხ. BOEN	ცალი	5	0,40	2,00
					<b>დღგ: 1,63</b>
<b>ჯამი</b>					<b>ჯამში: 12,71</b>

**2. ხელშეკრულების ღირებულება**

**2.1** ხელშეკრულების საერთო ღირებულება შეადგენს **12,71 (თორმეტი ლარი და სამოცდათერთმეტი თეთრი)** ლარს, საქართველოს მოქმედი კანონმდებლობით განსაზღვრული ყველა შესაბამისი გადასახადის ჩათვლით.

**2.2** ხელშეკრულების საერთო ღირებულება მოიცავს, როგორც მისაწოდებელი შესყიდვის ობიექტის ღირებულებას, ასევე წინამდებარე ხელშეკრულების შესრულებასთან დაკავშირებით „მიმწოდებლის“ მიერ გაწეულ ყველა ხარჯს.

**3. ანგარიშსწორების ფორმა და ვადები**

**3.1** მიმწოდებელთან ანგარიშსწორება შემსყიდველის მიერ განხორციელდება უნაღდო ანგარიშსწორების ფორმით ეროვნულ ვალუტაში (ლარი).

**3.2** მიმწოდებელთან ანგარიშსწორება შემსყიდველის მიერ განხორციელდება ხელშეკრულებით გათვალისწინებული შესყიდვის ობიექტის სრულად მიწოდების შემდეგ, შესაბამისი სასაქონლო ზედნადებისა და საბოლოო მიღება-ჩაბარების აქტის გაფორმებიდან არაუგვიანეს 10 (ათი) სამუშაო დღის ვადაში.

**4. მიღება-ჩაბარების წესი**

**4.1.** შესყიდვის ობიექტის მიღება ფორმდება სასაქონლო ზედნადებით და მიღება-ჩაბარების აქტით, რომელიც გაფორმდება, მიმწოდებლის მიერ შესყიდვის ობიექტის მიწოდების შემდეგ და დასტურდება შემსყიდველისა და მიმწოდებლის საამისოდ უფლებამოსილი წარმომადგენლების ხელმოწერებით.

**4.2** ამავე მუხლის 4.1 პუნქტით განსაზღვრული დოკუმენტაციის ხელმოწერამდე ყველა ქონებრივი უფლება ეკუთვნის მიმწოდებელს, რომელიც პასუხისმგებელია შესაძლო რისკზე საქონლის შემთხვევით (მთლიანად ან ნაწილობრივ) დაღუპვაზე, გაფუჭებაზე ან რაიმე ზიანზე. აღნიშნული დოკუმენტის გაფორმების მომენტიდან ამავე პუნქტით განსაზღვრული უფლებები და რისკები გადადის შემსყიდველზე.

**5. შესყიდვის ობიექტის მიწოდების ადგილი და ვადა**

**5.1.** შესყიდვის ობიექტის მიწოდება განხორციელდება:

- ა) მის: ქ. ბათუმი, ილია ჭავჭავაძის ქ. 83, (ავერსი - ფარმას აფთიაქი) საქონლის შესყიდვის მომენტად ითვლება აღნიშნულ მისმართზე მხარეთა მიერ სასაქონლო ზედნადების გაფორმების თარიღი, რა მომენტიდანაც შემსყიდველზე გადადის 4.1 პუნქტით გათვალისწინებული საკუთრების უფლება;
- ბ) საქონლის მიწოდება განხორციელდება ხელშეკრულების დადებიდან 2 (ორი) სამუშაო დღის ვადაში.

## **6. მხარეთა უფლება-მოვალეობები**

### **6.1. შემსყიდველი უფლებამოსილია:**

- 6.1.1. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.
- 6.1.2. შესყიდვის ობიექტის მიწოდების დასრულებამდე გამოითხოვოს მიმწოდებლისაგან შესყიდვის ობიექტის მიწოდებასთან დაკავშირებული მისთვის საჭირო დოკუმენტი.

### **6.2. შემსყიდველი ვალდებულია:**

- 6.2.1. მოახდინოს ანგარიშსწორება მიმწოდებელთან ხელშეკრულებით გათვალისწინებული პირობებით.
- 6.2.2. უზრუნველყოს შესყიდვის ობიექტის მიღება, ხელშეკრულებით გათვალისწინებული პირობებით.

### **6.3. მიმწოდებელი უფლებამოსილია:**

- 6.3.1. მიმწოდებელს უფლება აქვს მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება, ხელშეკრულებით გათვალისწინებული ვადებისა და პირობების დაცვით.

### **6.4. მიმწოდებელი ვალდებულია:**

- 6.4.1. დაიცვას ხელშეკრულებით გათვალისწინებული ყველა პირობა.
- 6.4.2. მიაწოდოს შესყიდვის ობიექტის სათანადო ხარისხითა და სრული მოცულობით, იმ ვადაში, რომელიც დადგენილია ამ ხელშეკრულებით.

## **7. ხელშეკრულების შესრულების კონტროლი**

- 7.1. ხელშეკრულების შესრულების კონტროლი გულისხმობს შემსყიდველის მიერ მიმწოდებლის მიერ ხელშეკრულების პირობების შესრულების, აგრეთვე მიწოდებული შესყიდვის ობიექტის ხარისხის კონტროლს.
- 7.2. ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.

## **8. პირგასამტეხლო ხელშეკრულების პირობების შეუსრულებლობისათვის**

- 8.1 მხარეს, ხელშეკრულების პირობების არაჯეროვანი შესრულებისათვის, მათ შორის, ვალდებულების შესრულების ვადაგადაცილების შემთხვევაში უფლება აქვს მოითხოვოს და ასეთ შემთხვევაში დამრღვევ მხარეს დაეკისრება პირგასამტეხლო, ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების გადასახდელი თანხის 0.02%-ის ოდენობით;
- 8.2 მხარეს, ხელშეკრულების ნაწილობრივ შესრულების მიზეზით ხელშეკრულების შეწყვეტის შემთხვევაში დაეკისრება პირგასამტეხლო, შესასრულებელი (დარჩენილი) ვალდებულების შესაბამისი ღირებულების 10%-ის ოდენობით;
- 8.3 მხარეს, ხელშეკრულების პირობების საერთოდ შეუსრულებლობის მიზეზით ხელშეკრულების შეწყვეტის შემთხვევაში დაეკისრება პირგასამტეხლო, ხელშეკრულების საერთო ღირებულების 20%-ის ოდენობით;
- 8.4 პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან;

## **9. ხელშეკრულებაში ცვლილებების შეტანა**

- 9.1. ნებისმიერი ცვლილება წინამდებარე ხელშეკრულებაში განხორციელდება წერილობით, მხარეთა შეთანხმების საფუძველზე, მხოლოდ ორივე მხარის უფლებამოსილი წარმომადგენლის ხელმოწერით.
- 9.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 9.3. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

## 10. ხელშეკრულების შეწყვეტა

10.1. წინამდებარე ხელშეკრულება შეიძლება ვადამდე შეწყდეს:

ა) ორმხრივი წერილობითი შეთანხმებით ნებისმიერ დროს;

ბ) ნებისმიერი მხარის ინიციატივით, ცალმხრივად თუ მეორე მხარე არ ასრულებს ან არა ჯეროვნად ასრულებს ნაკისრ ვალდებულებებს, რის თაობაზეც მას წერილობით მიეცა გაფრთხილება და დარღვევის გამოსასწორებლად განესაზღვრა დამატებითი ვადა არანაკლებ 5 დღის ოდენობით.

10.2. ხელშეკრულების შეწყვეტა (მათ შორის, ვადის გასვლის გამო შეწყვეტა) არ ათავისუფლებს მხარეებს იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა.

10.3. შემსყიდველის ინიციატივით ხელშეკრულების ცალმხრივად შეწყვეტის შემთხვევაში, თუ მიმწოდებელს საქონელი მიწოდებული აქვს მთლიანად ან ნაწილობრივ მაშინ უფლება აქვს მოითხოვოს ფაქტიურად მიწოდებული საქონლის ღირებულების ანაზღაურება.

10.4. მხარე ვალდებულია არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს ხელშეკრულების ცალმხრივად შეწყვეტის განზრახვის შესახებ.

## 11. დავების გადაწყვეტა

11.1. ხელშეკრულების მოქმედების პერიოდში შემსყიდველსა და მიმწოდებელს შორის წარმოშობილი ყველა დავა უნდა გადაიჭრას ურთიერთმოლაპარაკების გზით ან საქართველოს კანონმდებლობით დადგენილი წესით.

## 12. დაუძლეველი ძალა

12.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12.2. თუ დაუძლეველი ძალის მოქმედება გრძელდება 30 დღეზე მეტ ხანს, მხარეს უფლება აქვს ცალმხრივად შეწყვიტოს ხელშეკრულება.

## 13. სხვა პირობები

13.1 ხელშეკრულება შედგენილია თანაბარი იურიდიული ძალის მქონე ერთ ეგზემპლარად, ქართულ ენაზე და ხელმოწერილია მხარეთა უფლებამოსილი პირების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად, კვალიფიციური ელექტრონული ხელმოწერით, რომელთაგან თითოეული მხარის ელექტრონულ ვერსიას აქვს თანაბარი იურიდიული ძალა და ინახება ხელმოწერ მხარეებთან.

## 14. ხელშეკრულების მოქმედების ვადა

14.1 წინამდებარე ხელშეკრულება ძალაშია: მხარეთა მიერ ხელმოწერიდან - 2019 წლის 30 სექტემბრამდე;

## 15. მხარეთა რეკვიზიტები

შემსყიდველი:

სსიპ „ბათუმის თოჯინებისა და მოზარდ მაყურებელთა პროფესიული სახელმწიფო თეატრი“

მის: ქ. ბათუმი, მ. აბაშიძის გამზირი № 49

საიდენტიფიკაციო კოდი: 245 429 415

სახელმწიფო ხაზინა

მიმწოდებელი:

შპს „ავერსი -ფარმა“

მის: ქ. ბათუმი, ილია ჭავჭავაძის ქ. 39

საიდენტიფიკაციო კოდი: 211386695

სს „საქართველოს ბანკი“

ბანკის კოდი: BAGAGE22

ა/ნ: GE06BG 0000 0001 2293 2100

თემურ მახარაძე

ეკატერინე მიქელაძე